



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ადვადე ვალერიან სერგოს ძე



ადვადე ვალერიან სერგოს ძე (17. II. 1931, სოფ. პტენა, ახლანდ. ახალქალაქის მუნიციპალიტეტი, – 13. III. 2013, თბილისი), ეკონომისტი. ეკონ. მეცნ. დოქტორი (1970), პროფესორი (1973), საქართვე. მეცნ. დამს. მოღვაწე (1990).

დაამთავრა თსუ-ის ეკონ. ფაკ-ტი (1953). 1956–93 მუშაობდა თსუ-ის ეკონ. ფაკ-ტზე ასისტენტის, უფრ. მასწავლებლის, დოცენტის, პროფესორის თანამდებობაზე და სახ. მეურნ. ისტ. და ეკონ. მოძღვრების ისტ. კათედრის გამგედ. 1978–87 იყო საქართვე. სახელმწ. საგეგმო კომიტეტთან არსებული ეკონ. დაგეგმვისა და მართვის სამეცნ.-კვლ. ინ-ტის (შემდგომში ეკონომიკის სამეცნ.-კვლ. ინ-ტი) დირექტორის მოადგილე, 1987–91 და 1992–93 – დირექტორი, 1984-იდან – საქართვე. სამეცნ.-ეკონ. საზ-ბის რესპ. გამგეობისა და თსუ-ში ეკონ. მეცნ. დოქტორის ხარისხის მიმნიჭებელი სპეც. საბჭოს თავ-რე, 1999 – 2005 – სრულიად რუსეთის საფინანსო-ეკონ. ინ-ტის ეკონომიკის, პოლიტიკისა და კულტურის ისტორიის კათედრის გამგე. მისი კვლევის ძირითადი სფეროა საქართვე. თანამედროვე ეკონომიკა, მისი ომისშემდგომი განვითარება, პრობლემები, პერსპექტივები, მსოფლიოს ქვეყნების ეკონ. ისტ. საკითხები.

ვ. ადვადე

ა. აქტიურად მონაწილეობდა საზ.-პოლიტ. ცხოვრებაში. 1989 აირჩიეს სსრკ სახალხო დეპუტატად და სსრკ უზენაესი საბჭოს ეროვნებათა საბჭოს წევრად.

იყო საქართვე. პრეზიდენტობის კანდიდატი (1991), საქართვე. რესპ. სახელმწ. საბჭოს წევრი (1992), საქართვე. სახელმწ. ქონების მართვის კომიტეტის თავ-რე (1992-93), რუს. ეკონ. მეცნ. და სამეწარმეო საქმიანობის აკად. აკადემიკოსი (1991), საქართვე. რესპ. პარლამენტის წევრი და ეკონომიკურ საკითხთა კომისიის თავ-რე (1992-93), საქართვე. რესპ. საგანგებო და სრულუფლებიანი ელჩი რუსეთის ფედერაციაში (1993-94), საქართვე. რესპ. სრულუფლებიანი წარმომადგენელი დსთ-ის სახელმწიფოთაშორის ეკონ. კომიტეტში (1995-99), საქართვე. რესპ. სრულუფლებიანი წარმომადგენელი დსთ-ის ეკონომიკურ საბჭოსთან არსებულ ეკონ. საკითხთა კომისიაში (1999-2005).

მიღებული აქვს ღირსების ორდენი (1996).

თბზ.: საქართველოს სსრ ეკონომიკური განვითარება ომის შემდგომ პერიოდში, თბ., 1968; კაპიტალისტური ქვეყნების ეკონომიკური ისტორია, თბ., 1985; სოციალურ-ეკონომიკური განვითარების დაჩქარება: საქართველოს სსრ გამოცდილება, თბ., 1987.
